



Број: 05/8-50-14-465-2/15

Сарајево, 24.7.2015.

ZAPISNIK

2. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 13.7.2014., od 12 do 13,30 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Borjana Krišto, Halid Genjac, Darko Babalj, Bariša Čolak, Hanka Vajzović i Milenko Obad.

Sjednici su prisustvovali i gosti - predstavnici međunarodnih organizacija u BiH, predstavnici medija, te službenik Sekretarijata Parlamentarne skupštine Bosne i Hercegovine (PSBiH):

- Maja Ribar i Dragana Gluhović, EUSR,
- Semira Degirmendžić, Dnevni avaz,
- Ljerka Bojić, rukovoditeljica Sektora za druga parlamentarna tijela PSBiH, i
- Jovica Katić, sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Kako nije vođena rasprava o prijedlogu dnevnog reda, konstatirano je da 2. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

- 1. Razmatranje Prijedloga poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije);**
- 2. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2014. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije);**

3. Tekuća pitanja.

Ad.1. Razmatranje Prijedloga poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije)

Aleksandra Pandurević, predsjedavajuća Komisije, otvarajući raspravu o ovoj tački dnevnog reda, dala je riječ predstavnicima stručne službe PSBiH koji su radili na izradi ovog prijedloga poslovnika.

Jovica Katić, sekretar Komisije, u uvodnim napomenama naveo je da je prijedlog novog Poslovnika o radu Komisije proizašao kao potreba za njegovim usklađivanjem s odredbama izmjena Zakona o Agenciji za prevenciju korupcije i koordinaciju borbe protiv korupcije. Naglasio je da su predstavnici stručne službe Komisije ovaj dokument, u periodu između dva saziva Komisije, radili u saradnji s kolegama iz Razvojnog programa Ujedinjenih naroda u BiH (UNDP). Naveo je da je njegovim najvažnijim izmjenama predviđeno, prije svega, smanjenje broja članova Komisije koji čine kvorum za njen rad, te novi sistem odlučivanja u Komisiji, dok je za dio koji se odnosi na proceduru provođenja javnog konkursa za izbor direktora Agencije i njegovih zamjenika naveo da je ostao nepromijenjen u odnosu na odredbe starog Poslovnika o radu Komisije.

Aleksandra Pandurević, predsjedavajuća Komisije, otvorila je zatim raspravu o Prijedlogu poslovnika, te predložila da članovi Komisije vode diskusiju na način da se referiraju hronološki na pojedine članove ovog poslovnika.

U raspravi o ovoj tački dnevnog reda učestvovali su: Borjana Krišto, Aleksandra Pandurević, Halid Genjac, Darko Babalj, Hanka Vajzović i Milenko Obad.

Tokom rasprave članovi Komisije ukazali su na neophodnost izmjena pojedinih članova Prijedloga poslovnika koji se odnose na sazivanje sjednice Komisije, kvorum za rad, te konkursne procedure za izbor direktora Agencije za prevenciju korupcije i koordinaciju borbe protiv korupcije i njegovih zamjenika.

Nakon sveobuhvatne rasprave, Komisija je, kao važeća, podržala rješenja definisana starim Poslovníkom o radu, uz izmjenu koja reguliše pitanje kvoruma, na način da kvorum za rad čini pet članova Komisije, a da se odluke donose većinom glasova, uz uslov da ta većina obuhvata po jednog predstavnika svakog konstitutivnog naroda.

Na prijedlog predsjedavajuće Aleksandre Pandurević, Komisija je usvojila zaključak kojim je zadužila stručnu službu ovog tijela da, uvažavajući izmjene Zakona o Agenciji za prevenciju korupcije i koordinaciju borbe protiv korupcije, kao i jedinstvena pravila za izradu pravnih propisa u institucijama BiH, pripremi novi prijedlog Poslovnika, te da takav dokument, kada bude spreman, dostavi članovima Komisije s ciljem njegovog usvajanja.

Do usvajanja novog, važit će stari Poslovnik o radu Komisije, uz njegovu gore navedenu izmjenu, čime Komisija dobija tzv. aktivnu poziciju i omogućava joj se nesmetan rad.

Članovi Komisije su, sa šest glasova „za“, jednim „suzdržanim“ glasom i bez glasova „protiv“, podržali prijedlog zaključka predsjedavajuće Komisije.

Ad.2. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2014. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije)

Komisija je, bez rasprave, jednoglasno, sa sedam glasova „za“, usvojila Izvještaj o radu ovog nezavisnog tijela PSBiH za 2014. godinu i prosljedila ga domovima PSBiH u daljnju parlamentarnu proceduru.

Ad.3. Tekuća pitanja

Darko Babalj, član Komisije, ukratko je upoznao prisutne članove Komisije s idejom formiranja ogranka Globalne organizacije parlamentaraca za borbu protiv korupcije u PSBiH, te ih, navodeći da je svim članovima dostavljena brošura o GOPAC-u, zamolio da se upoznaju s njom, s ciljem vođenja rasprave o ovom pitanju na narednoj sjednici Komisije.

Sjednica je završena u 13,30 sati.

Sastavni dio ovog zapisnika čini tonski snimak 2. sjednice Komisije.

Sekretar Komisije
Jovica Katić

Predsjedavajuća Komisije
Aleksandra Pandurević

Dostavljeno:

- naslovu
- a/a